

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 37. stav (1) i članom 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za prostorno uređenje, promet i komunikacije i zaštitu okoline - Kantonalna direkcija za ceste, Vlada Zeničko-dobojskog kantona, na 117. sjednici, održanoj 13.02.2026. godine, d o n o s i

O D L U K U

o usvajanju Programa utroška sredstava pod nazivom „Zaštita, održavanje, rekonstrukcija i izgradnja regionalnih cesta Zeničko-dobojskog kantona za 2026. godinu“ Kantonalne direkcije za ceste za pozicije „Izdaci za tekuće održavanje“ – Izvori 10 i 30, „Rekonstrukcija i investiciono održavanje“ - Izvori 10 i 30 i „Nabavka zemljišta, šuma i višegodišnjih zasada“ - Izvor 30 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava pod nazivom „Zaštita, održavanje, rekonstrukcija i izgradnja regionalnih cesta Zeničko-dobojskog kantona za 2026. godinu“ Kantonalne direkcije za ceste, sa razdjela 19, budžetska organizacija 03, potrošačka jedinica 0001, ekonomski kod 613700, pozicija „Izdaci za tekuće održavanje – Izvori 10 i 30“, ekonomski kod 821100, pozicija „Nabavka zemljišta, šuma i višegodišnjih zasada – Izvor 30“ i ekonomski kod 821300, pozicija „Rekonstrukcija i investiciono održavanje – Izvori 10 i 30“, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u ukupnom iznosu od 27.092.000,00 KM (slovima: dvadesetsedammilionadevedesetdvijehiljade konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline – Kantonalna direkcija za ceste i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-2818/26

Datum, 13.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,

1x Kantonalna direkcija za ceste,

1x Ministarstvo finansija,

1x „Službene novine Zeničko-dobojskog kantona“,

1x a/a.

PROGRAM

utroška sredstava pod nazivom „Zaštita, održavanje, rekonstrukcija i izgradnja regionalnih cesta Zeničko-dobojskog kantona za 2026. godinu“, Kantonalne direkcije za ceste, za pozicije, „Izdaci za tekuće održavanje“ – Izvori 10 i 30, „Rekonstrukcija i investiciono održavanje“ - Izvori 10 i 30 i „Nabavka zemljišta, šuma i višegodišnjih zasada“ - Izvor 30, Budžeta Zeničko-dobojskog kantona za 2026. godinu

Član 1.

Svrha programa je da se odobrena sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“ broj: 24/25), sa razdjela 19 – Kantonalna direkcija za ceste, budžetska organizacija 03, potrošačka jedinica 0001, ekonomski kod ekonomski kod 613700, pozicija „Izdaci za tekuće održavanje – Izvor 10 u iznosu od 7.000,00 KM i Izvor 30 u iznosu od 15.700.000,00 KM“, ekonomski kod 821100, pozicija „Nabavka zemljišta, šuma i višegodišnjih zasada – Izvor 30 u iznosu od 535.000,00 KM“ i ekonomski kod 821300, pozicija „Rekonstrukcija i investiciono održavanje – Izvor 10 u iznosu od 200.000,00 KM i Izvor 30 u iznosu od 10.650.000,00 KM“, a što je u ukupnom godišnjem iznosu od 27.092.000,00 KM (slovima: dvadesetsedammilionadevedesetdvijehiljade konvertibilnih maraka), koriste za zaštita, održavanje, rekonstrukcija i izgradnja regionalnih cesta Zeničko-dobojskog kantona za 2026. godinu.

Član 2.

Visina sredstava utvrđenih ovim programom iznosi 27.092.000,00 KM (slovima: dvadesetsedammilionadevedesetdvijehiljade konvertibilnih maraka).

Član 3.

Izvor sredstava: Budžet Zeničko-dobojskog kantona za 2026. godinu („Službene novine Zeničkodobojskog kantona“ broj: 24/25), razdjel 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 613700, pozicija „Izdaci za tekuće održavanje – Izvori 10 i 30“, ekonomski kod 821100, pozicija „Nabavka zemljišta, šuma i višegodišnjih zasada – Izvor 30“ i ekonomski kod 821300, pozicija „Rekonstrukcija i investiciono održavanje – Izvori 10 i 30“.

Član 4.

Kriteriji utroška sredstava: Kriteriji će biti utvrđeni shodno odredbama Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14 i 59/22) i internog Pravilnika o javnim nabavkama, broj: 12/08-23-16230/22 od 22.06.2023.godine, a u skladu sa Planom javne nabavke Ministarstva za prostorno uređenje, promet i komunikacije i zaštitu okoline.

Član 5.

Kategorija korisnika sredstava: U skladu sa Zakonom o javnim nabavkama BiH biti će izabrani ponuđači sa najpovoljnijom ponudom.

Član 6.

Za realizaciju sredstava po ovom programu zadužuju se Ministarstvo za prostorno uređenje, promet i komunikacije i zaštitu okoline-Kantonalna direkcija za ceste i Ministarstvo finansija, svako u okviru svojih nadležnosti.

Član 7.

O utrošku sredstava po ovom programu, Ministarstvo za prostorno uređenje, promet i komunikacije i zaštitu okoline--Kantonalna direkcija za ceste, dužno je polugodišnje izvještavati Vladu Zeničko-dobojskog kantona.

Član 8.

Sredstva za tekuće održavanje, nabavku zemljišta, šuma i višegodišnjih zasada i rekonstrukciju i investiciono održavanje utrošit će se kako slijedi:

<i>Redni broj</i>	<i>Naziv</i>	<i>Planirana sredstva/KM</i>
1.	Izdaci za tekuće održavanje – Izvor 10	7.000,00
2.	Izdaci za tekuće održavanje – Izvor 30	15.700.000,00
3.	Nabavka zemljišta, šuma i višegodišnjih zasada – Izvor 30	535.000,00
4.	Rekonstrukcija i investiciono održavanje – Izvor 10	200.000,00
5.	Rekonstrukcija i investiciono održavanje – Izvor 30	10.650.000,00
	UKUPNO:	27.092.000,00

Broj: 02-11-2818/26

Datum, 13.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,

1x Ministarstvo finansija,

1x „Službene novine Zeničko-dobojskog kantona“,

1x a/a.